

Samichlaus, jetzt chan ich dir säge

(Version Kiga)

Samichlaus, jetzt chan ich dir säge,
was ich im Chindsgsi so erläbe:
mängisch dörf ich Gschichte lose
oder ha vom Bastle Fläcke uf de Hose.

Mit mine Fründe, wo ich ha
chan ich au go spiele gah.
Ich tue gern male oder singe
und uf em Spielplatz umespringe.

Schmutzli, jetzt chan ich dir säge,
was ich im Chindsgi so erläbe:
mit mine Fründe tue ich lache
oder im Chreis cooli Spieli mache.

Mängisch lieged's ume – mini Sache,
dänn muess ich wieder Ornig mache.
Öppis baue – mich verchleide,
all das tuet mir nie verleide.

Wüssed ihr zwei: Friede mache chan ich au.
Nach eme Striit isch das doch schlau.
Tröste und hälfe isch mir sehr wichtig.
Ich finde, ich mach scho ganz viel richtig.